



SOLO AGAI / KALEVARIA, SAUNIA E BERNARDO CAVALLINO, CHRYSLER MUSEUM OF ART

**E Le'i Solomuli o Ia**

“Iuga o se maupuepue e igoa o Kalevaria, a o vaavaai atu soo ua leai se faamoemoe, sa tu'itu'i ai Lona tino ua manu'a i se satauro. Sa tau-emuina o Ia ma le alofa ma sa fetuuina ma amusia. . . .

“Na mavae atu itula o le mafatiaga a o taulalata atu i Lona maliu. Mai i Ona laugutu ua matutu na tulei mai ai upu, 'Lo'u Tama e, ou te tuuina atu lo'u nei agaga i ou aao: ua na fetalai ia upu, ona to ai lea o lana manava.' . . .

“I le taimi mulimuli semanu lava e mafai e le Alii ona toe solomuli. Ae sa le'i foi o Ia. Sa Ia oo atu i le taele o mea uma ina ia mafai ai ona Ia faasaoina mea uma. Sa vave ona tuuina ifo ma le faaeteete lona tino maliu i se tuugamau nono.”

Peresitene Thomas S. Monson (1927–2018), “Ua Toetu o Ia!” *Liahona*, Me 2010, 89.

**Faaogaaga e le Tagata Lava Ia:** Na pua-puagatia o Ia mai tiga ogaoga, tuulafoai-ina, ma le leai o se faamoemoe, peitai na onosaia pea lava e le Faaola ma faamaea ma le alofa tunoa Lana malaga i le tino nei—ae na ole atu lava i le Tama e faa-magalo i latou o e na faasatauroina o Ia. Ona o Lana faataitaiga atoatoa, e mafai ai ona tatou faafetaiaia ma le alofa tunoa o tatou lava tofotofoga ma faigata, ma faatasi ai ma Lana fesoasoani e mafai ai foi ona tatou onosai e oo i le iuga.

**Sa Na o Ia Lava e Mafaia**

“O le mea sa Ia faia sa na o le Atua lava e mafai ona faia. I le aveai ai ma Alo Pele e Toatasi o le Tama i le tino, sa maua ai Iesu uiga auaumama paia. Sa na o Ia le tagata ua fanau mai i le tino e mafai ona faatinoina lenei aga e sili ona taua ma silisiliese. Ile na o le pau lea o le Tagata sa soifua i le lalolagi e leai se agasala, o lea sa le mafai ai ona oo ia te ia le oti faaleagaga. Ona o Lona tulaga faaleatua, sa ia te Ia foi le mana e pulea ai le oti faaletino. O lea na Ia faia ai mo i tatou le mea sa le mafai ona tatou faia mo i tatou lava. Sa Ia motusiaina le uumau malulu o le oti. Sa Ia faia foi ia mafai e i tatou ona maua le mafanafana maoae tofilemu o le meaalofa a le Agaga Paia.”

Peresitene James E. Faust (1920–2007), Fesoasoani Lua i le Au Peresitene Sili, “O Le Togiola: O Lo Tatou Faamoemoega Sili,” *Liahona*, Ian. 2002, 20

**Faaogaaga e le Tagata Lava Ia:** E ala i Lana Togiola, sa motusia ai e le Faaola noataga o le oti ma togiolaina ai i tatou uma mai a tatou agasala ina ia mafai ai e tagata taitoatasi uma ona maua le ola e faavavau. Sa na o Ia e mafai ona faataunuuina sea galuega taufaa-fefe ma le faigata. Pe a tatou feagai ma luitau ogaoga, e mafai ona tatou maua le mafanafana i le iloa, e mafai moni e le Faaola ona faia ia mafai mea e le mafai ona fai.



O LE TANUGA, SAUNIA E CARL HEINRICH BLOCH